

類聚國史

卷三之四

二

和書
一〇四六五號

和書門類	一〇四六五號
函	一〇
架	一〇
冊	二七

內閣文庫	和書類	一〇四六五號
函	二七	一〇
架	二七	一〇
冊	二七	一〇

內閣文庫	和書類	番號	10405
冊數	30 (2)	函號	270 119

卷ノ四



類聚國史卷第三卷首缺

神祇部二

神代上曰既而伊弉諾尊伊弉册尊共議曰吾已生

夫八洲國及山川草木何不生天下之主者歟於是



共生日神號大日靈貴大日靈貴此云於保比屢咩能武智靈音力丁反一書云

故二神喜曰吾息雖多未有若此靈異之兒不宜久

留此國自當早送于天而授以天上之事是時天地

相去未遠故以天柱舉於天上也

又云素戔嗚尊之為行也甚無狀何則天照太神以



類聚國史卷第三

天狹田長田為御田時素戔嗚尊春則重播種子種子此云且毀其畔波那豆秋則放天斑駒使伏田中復見天照太神當新嘗時則陰放屎於新宮又見天照太神方織神衣居齋服殿則剥天斑駒穿殿覺而投納是時天照太神驚動以按傷身由此發愠乃入于天石窟閑磐戶而幽居焉故六合之內常闇而不知晝夜之相代于時八十萬神會合於天安河邊計其可禱之方故思兼神深謀遠慮遂聚常世之長鳴鳥使互長鳴又以手力雄神立磐戶之側而中臣連遠祖天兒屋根命忌部遠祖太玉命掘天香山之

五百箇真坂樹而上枝懸八坂瓊之五百箇御統中枝懸八咫鏡一云真津鏡下枝懸青和幣和幣此云白和幣相與致其祈禱焉又獲女君遠祖天鈿女命則手持茅纏之稍立於天石窟戶之前巧作俳優亦以天香山之真坂樹為鬢以蘿為手纏多須此云而火處燒覆槽置覆槽置此云顯神明之憑談顯神明之憑談此云是時天照太神聞之而曰吾比閉居石窟謂當豐葦原中國必為長夜云何天鈿女命噭樂如此者乎乃以御手細開磐戶窺之時手力雄神則奉承天照太神之手引而奉出於是中臣神忌部神則畏以

端出之繩此云左繩端出之繩乃請曰勿復還幸
 然後諸神歸罪過於素戔鳴尊而科之以千座置戶
 遂促徵矣至使拔髮以贖其罪又曰拔其手足之爪
 贖之已而竟逐降焉

一書曰日神尊云々于時諸神憂之乃使鏡作部遠
 祖天糠戶者造鏡忌部遠祖太玉者造幣玉作部遠
 祖豐玉者造玉又使山雷者採五百箇真坂樹八十
 玉叢野槌者採五百箇野薦八十玉叢允此諸物皆
 來聚集時中臣遠祖天兒屋命則以神祝祝之於是
 日神方開磐戶而出焉是時以鏡入其石窟者觸戶

小瑕其瑕於今猶存此即伊勢崇秘之太神也
 神代下注曰云々高皇產靈尊因勅曰吾則起樹天
 津神籬及天津磐境當為吾孫奉齋矣汝天兒屋命
 太玉命宜持天津神籬降於葦原中國亦為吾孫奉
 齋焉乃使二神陪從天忍穗耳尊以降之是時天照
 太神手持寶鏡授天忍穗耳尊而祝之曰吾兒視此
 寶鏡當猶視吾可與同床共殿以為齋鏡復勅天兒
 屋命太玉命惟爾二神亦同侍殿內善為防護
 崇神天皇六年百姓流離或有背叛其勢難以德治
 之是以晨興夕惕請罪神祇先是天照太神倭大國

魂二神並祭於天皇大殿之內然畏其神勢共住不安故以天照太神託豐鍬入姬命祭於倭笠縫邑仍立磯堅城神籬比神籬此云

垂仁天皇廿五年三月丁亥朔丙申離天照太神於豐耜姬命託于倭姬命爰倭姬命求鎮坐太神之處而詣菟田筱幡佐々此云更還之入近江國東迴美濃到伊勢國時天照太神誨倭姬命曰是神風伊勢國則常世之浪重浪飯國也傍國可憐國也欲居是國故隨太神教其祠立於伊勢國因興齋宮于吾十鈴川上是謂磯宮則天照太神始自天降之處也一云天皇

以倭姬命為御杖貢奉於天照太神是以倭姬命以天照太神鎮坐於磯城嚴櫃之本而祠之然後隨神誨取丁巳年冬十月甲子遣于伊勢國渡遇宮是時倭太神著穗積臣遠祖大水口宿禰而誨之曰太初之時期曰天照太神我親治大地宜言已訖焉云々

天武天皇四年二月丁亥十市皇女阿閑皇女參赴於伊勢神宮

朱鳥元年四月丙申遣多紀皇女山背姬王石川夫人於伊勢神宮五月庚子朔戊申多紀皇女等至自伊勢

持統天皇六年五月庚寅遣使者奉幣于四所伊勢大倭住吉紀伊太神告以新宮

閏五月丁未伊勢太神奏天皇曰免伊勢國今年調役然應輸其二神郡赤引糸參拾伍斤於來年當折其代

十二月甲申遣大夫等奉新羅調於五社伊勢住吉紀伊大倭菟名足

文武天皇二年十二月乙卯遷多氣太神宮于度會郡

大寶二年四月丁未從七位下秦忌寸廣庭獻扛谷樹八尋梓根遣使者奉于伊勢太神宮

七月癸酉詔伊勢太神宮封物者是神供之物宜准

供神事勿令濫穢

八月癸亥勅伊勢太神服新用神戶調

慶雲元年十一月庚寅遣從五位上忌部宿禰子首供幣帛鳳凰鏡窠子錦于伊勢太神宮

三年閏正月戊午奉新羅調於伊勢神宮及七道諸社

元明天皇和銅元年十月庚寅遣宮内卿正四位下犬上王奉幣帛于伊勢太神宮以告營平城宮之狀也

元正天皇養老五年九月乙卯天皇御内安殿遣使

供幣帛於伊勢太神宮并以皇太子、女井上、王為齋
內親王。

聖武皇帝神龜六年四月癸亥勅每年割取伊勢神
調絕三百疋賜任神祇官中臣朝臣等。

天平二年閏六月甲午制奉幣伊勢太神宮者卜食
五位已上充使不須六位已下。

十年五月辛卯使右大臣正三位橘宿禰諸兄神祇
伯從四位下中臣朝臣名代右少辨從五位下紀朝

臣宇美陰陽頭外從五位下高表太貴神寶奉于伊
勢太神宮。

十二年九月乙未遣治部卿從四位上三原王等奉

幣帛于伊勢太神宮。
十一月丙戌遣少納言從五位下大井王并中臣忌

部等奉幣帛於太神宮。
十三年正月癸巳遣使於伊勢太神宮及七道諸社

奉幣以告遷新京之狀也。
十七年六月庚寅遣左衛士督從四位下佐伯宿禰

淨麻呂奉幣帛于伊勢太神宮。
廿一年四月戊戌詔云々因遣民部卿正四位上紀

朝臣麻路神祇大副從五位上中臣朝臣益人少副

類聚圖書卷三

從五位下忌部宿禰鳥麻呂等奉幣帛於伊勢太神宮。
 孝謙皇帝天平勝寶七歲十一月丁巳遣少納言從五位下厚見王奉幣帛于伊勢太神宮。
 八歲四月乙巳遣使奉幣帛于伊勢太神宮。
 五月乙卯遣左大辨正四位下大伴宿禰古麻呂并中臣忌部等奉幣帛於伊勢太神宮。
 九歲六月乙未始制伊勢太神宮幣帛使自今以後差中臣朝臣不得用他姓人。
 廢帝天平寶字三年十月戊申去天平勝寶五年遣

左大弁從四位上紀朝臣飯麻呂限伊勢太神宮之界樹標已畢而伊勢志摩兩國相爭於是遷尾垂刻於葦淵遣武部卿從三位巨勢朝臣開紀麻呂神祇大副從五位下中臣朝臣毛人少副從五位下忌部宿禰皆麻呂等奉幣帛於神宮。
 六年十一月丁丑遣御史大夫正三位文室真人淨三左勇士佐從五位下藤原朝臣黑麻呂神祇大副從五位下中臣朝臣毛人少副從五位下忌部宿禰皆麻呂等四人奉幣於伊勢太神宮。
 八年九月丁未遣正親正從五位下菟田王少主鈴

中臣朝臣竹成神部鴨田連嶋人奉幣帛於伊勢太
神宮。

高野天皇天平神護三年八月癸巳改元神護景雲
詔云々伊勢國守從五位下阿閉倍朝臣東人等我
奏久六月十七日尔度會郡乃等由氣乃宮乃上仁
當天五色瑞雲起覆天在依此天彼形乎書寫以進
止奏利云々然此方太御神宮上尔示頭給故尚是
方太神乃慈備示給流弊物利云々瑞部具祥
神護景雲三年二月乙卯以大炊頭從五位下掃守
王左中辨從四位下藤原朝臣雄田麻呂為伊勢太

神宮使每社男神服一具女神服一具其太神宮及
月次社者加之以馬形并鞍。

四年八月庚寅朔遣參議從四位下外衛大將兼越
前守藤原朝臣繼繩左京少進正六位上大中臣朝
臣宿奈麻呂奉幣帛及赤毛馬二匹於伊勢太神宮
廣仁天皇寶龜六年十月乙酉奉幣帛於伊勢太神
宮。

九年十月丁酉皇太子向伊勢先是皇太子寢疾久
不平復至是親拜神宮所以賽宿禱也。

十一年二月丙申朔神祇官言伊勢太神宮寺先為

有崇遷建他處而今近神郡其崇未止除飯野郡之外移造便地者許之

五月壬辰伊勢太神宮封一千廿三戶隨舊復之

桓武天皇延曆八年三月壬子遣使奉幣帛於伊勢神宮告征蝦夷之由也

九年九月甲戌奉伊勢太神宮相嘗幣帛常年天皇御大極殿遙拜而奉而緣在諒闇不行常儀故以幣帛直付使者矣

十年八月辛卯夜有盜燒伊勢太神宮正殿一宇財殿二字御門三間瑞籬一重壬寅詔遣參議左大辨

正四位上兼春宮大夫中衛中將大和守紀朝臣古佐美參議神祇伯從四位下兼式部大輔左兵衛督近江守大中臣朝臣諸魚神祇少副外從五位下忌部宿禰人上於伊勢太神宮奉幣帛以謝神宮被焚焉又遣使修造之

十月甲寅先是皇太子枕席不安久不平復是日向於伊勢太神宮緣宿禱也

十一年三月戊寅造伊勢國天照太神宮以遭失火也

十三年三月辛卯遣大監物從五位上石淵王參議

從四位上守兵部卿兼近衛大將行神祇伯近江守
大中臣朝臣諸魚等奉幣帛於伊勢太神宮。

十四年八月甲午大掖宮中及左右京畿內近江伊
賀伊勢等國為奉伊勢太神宮裝束物也。

十八年五月辛未遣神祇大祐正六位上大中臣朝
臣弟枚改作伊勢太神宮正殿。

七月己酉停伊勢齋宮新嘗會但以歌儻伎供九月
祭。

平城天皇太同二年八月癸亥遣使奉神寶并唐國
信物於伊勢太神宮。

嵯峨天皇弘仁二年六月乙丑奉幣於伊勢太神宮。

七年八月乙未奉幣於伊勢太神宮。

九月戊辰奉幣於伊勢太神宮去八月十六日夜為
停大風所禱也。

淳和天皇弘仁十四年八月己丑天皇御大極殿奉
幣帛於伊勢太神宮。

九月壬戌御大極後殿奉幣帛於伊勢太神宮。

天長元年四月乙酉御大極後殿差使少納言從五
位上繼野王中臣神祇大副正五位下大中臣朝臣

淵魚忌部大祐正六位上忌部宿禰雲梯等奉遣御

劔并幣帛于伊勢太神宮有崇故也。

三年九月乙亥天皇御八省院奉幣帛於伊勢太神宮。

仁明天皇天長十年八月丙午奉幣帛於伊勢太神宮。

十一月庚申為行太嘗會事奉伊勢太神宮幣帛。

承和元年九月戊午天皇御大極殿奉幣帛於伊勢太神宮。

三年九月丁丑遣左兵庫頭從五位上岡野王等於伊勢太神宮申今月九日宮中有穢神嘗幣帛不得

奉致之狀。

十二月庚子天皇御建禮門而奉遣伊勢太神宮幣帛。

五年十月戊子遣左兵庫頭從五位上岡野王等奉神寶於伊勢太神宮。

六年十月辛酉奉唐物於伊勢太神宮。

十一月己卯朔庚辰天皇御大極殿遣使奉幣於伊勢太神宮。

十二月己酉朔庚戌遣參議從四位上行春宮大夫兼右衛門督文室朝臣秋津奉珍幣於伊勢太神宮以

齋宮燒損也。又去天長九年九月依多氣齋宮遠離
 太神宮。每事無便。卜定度會離宮。以為齋宮焉。今依
 火災卜定多氣宮地。可為常齋宮之狀。同令此使祈
 申於太神宮。
 七年九月癸未遣使奉幣帛於伊勢太神宮。例也。
 九年九月壬寅遣散位從五位下雄豐王神祇少副
 從五位下大中臣朝臣磯守等奉幣於伊勢太神宮。
 例也。
 十年八月癸亥天皇御太極殿遣使奉幣帛於伊勢
 太神宮。

九月丙申內裏犬座焉。諸司行事奉幣於伊勢太神
 宮。例也。
 十一年十月乙酉天皇御八省院發遣奉幣於伊勢
 太神宮使。
 十二年九月乙卯天皇御太極殿遣使奉幣於伊勢
 太神宮。例也。
 十四年三月己卯天皇御八省院奉遣幣於伊勢太
 神宮。
 嘉祥二年九月丁巳遣左少弁從五位上文室朝臣
 助雄等奉神寶於伊勢太神宮。是廿年一度所奉例。

也。

辛酉天皇御八省院奉幣帛於伊勢太神宮例也。

文德天皇嘉祥三年九月乙酉遣少納言從五位上

鎌藏王內藏頭從五位下中臣朝臣壹志等向伊勢

太神宮依例奉幣別獻細馬五疋以充神御。

仁壽元年九月庚辰遣使者向伊勢太神宮奉細馬

八疋以充神御寶幣具至。

十月庚申遣使者向伊勢太神宮告以大嘗祭事。

十二月乙巳遣使者向伊勢太神宮奉幣。

四年九月壬辰遣使者向伊勢太神宮奉幣。

清和天皇天安二年十月卅日丁巳大枝於建禮門

前為明日擬發伊勢太神宮使也。

貞觀二年九月十一日戊午遣大舍人頭從五位上

嶋江王神祇大祐正六位上大中臣朝臣豐雄等向

伊勢太神宮奉幣例也。

三年十月四日甲辰遣使者向伊勢太神宮奉幣為

國祈也。

四年九月十一日丁丑遣使伊勢太神宮奉幣如常。

十一月十一日乙亥遣散位從五位下末良王向伊

勢太神宮奉幣。

五年三月九日辛未遣使者奉幣於伊勢太神宮。
 七月二日壬辰勅遣參議正四位下行式部大輔兼
 播磨權守春澄朝臣善繩從五位下行神祇少副大
 中臣朝臣豐雄於大極殿奉禱伊勢太神去月有流
 星神祇官卜云天照太神成祟故禱以防不祥也。
 九月十日己亥大赦於建禮門前以明日將發奉幣
 伊勢太神宮使也。
 十一日庚子遣使者於伊勢太神宮。
 十二月六日甲子勅遣散位從五位上內宗王從五
 位上大中臣朝臣真主從五位下齋部宿禰木上等

向伊勢太神宮奉幣。

六年七月十日甲午遣使者奉幣於伊勢太神宮。
 九月十一日乙未遣使者於伊勢太神宮奉幣例也。
 七年九月十一日己丑是日可奉幣帛伊勢太神宮。
 御在斯有穢仍以停止遣散位從五位下岑行王神
 祇伯從四位下中臣朝臣逸志告以事由。
 十一月四日辛巳勅遣使者於伊勢太神宮并明神
 社十一奉幣告以天皇遷御內裏也。
 八年七月十日壬子遣使者奉幣於伊勢太神宮。
 九月十日壬子伊勢齋宮寮允以上並有穢不堪供

祭故勅遣中務少輔從五位下藤原朝臣諸房向太
神宮行事。

十一日癸丑遣使奉幣於伊勢太神宮。

九年十月七日壬申大赦於建禮門前去月內裏有
犬產穢不發奉伊勢太神宮幣使明日可發故更齋
修禊焉。

十年九月七日丁酉遣從五位下守右少辨藤原朝
臣千乘左太史正六位上刑部造真鯨等伊勢太神
宮奉太神財寶是隔廿年所造也大赦於建禮門前
而發使。

十一日辛丑遣從五位上行少納言兼侍從久須繼
王神祇大副從五位下大中臣豐雄等向伊勢太神
宮奉幣。

十一年九月十一日乙丑遣使伊勢太神宮奉幣。

十二年九月七日丙辰明日應遣使於伊勢太神宮
由是大赦於建禮門前。

八日丁巳遣正五位下守左中辨源朝臣直右太史
正六位上廣階宿禰八鈞於伊勢太神宮奉神寶是
日太政官停尋常政但非廢務之例也。

十一日庚申去八日內裏有犬產穢仍停奉伊勢太

神宮幣使遣大舍人頭從五位上磯江王神祇大副
從五位下大中臣朝臣國雄申事由大枝於建禮門
前而發之。

十一月八日丙辰先是九月十一日內裏有天產穢
停奉幣伊勢太神宮使是日遣大舍人頭從五位上
磯江王奉常幣。

十三年九月十一日甲申遣使者於伊勢太神宮奉
例幣兼賽宿禰告文曰天皇我詔旨止掛畏岐伊勢
乃度會宇治乃五十鈴乃河上乃下津磐根乃大宮
柱廣敷立高天乃原乃千木高知乃天皇孫乃尊乃

稱辭竟奉留。天照坐太神乃廣前乃恐美恐美申賜
止申久常毛奉留。九月乃神嘗乃大幣帛手王大監
物從五位上興我王中臣神祇大祐正六位上大中
臣朝臣常道手差使天忌部神祇權大祐正六位上
齋部宿禰高善加弱肩乃太繼取懸天持齋利彼令持
捧天奉出賜布此狀乎聞食天天皇朝廷乎寶位無
動久夜守日守乃護助給止倍申賜止波久申云々
十四年九月十一日戊寅不奉伊勢太神宮幣以太
政大臣薨也。大枝於建禮門前。
十六年九月十日乙未先是八月廿三日藥師寺僧

續後園

十六

藥仁在紫宸殿轉經六十僧之內廿五日奄忽命終弟子等秘而不言或人聞有此事諮啓明日將發奉幣伊勢太神宮使以此穢故仍停廢焉大枝於建禮門前。

十二月五日己未遣散位從五位下真宗王奉幣伊勢太神宮去九月十一日有穢不奉例幣之故也。

十七年九月十一日庚寅奉幣伊勢太神宮例也。

十八年九月十一日乙酉停奉伊勢太神宮幣使以內裏犬死也大枝於建禮門前。

十月三日丙午遣散位從四位上基棟王神祇大副

從五位下大中臣朝臣有本等向伊勢太神宮奉幣先是九月十一日須奉例幣而以內裏犬死而停止故延而奉之。

陽成天皇元慶元年九月十三日辛亥遣使奉幣伊勢太神宮去九日內裏犬產仍十一日不行此事故延而奉之。

十一月二日己亥遣使於伊勢太神宮奉幣。

二年三月七日癸卯遣使奉伊勢太神宮幣并神寶弓粹劍等物。

八月廿四日丁亥遣神祇伯從四位下棟真王從五

位下行木工助大中臣朝臣伊度人等奉幣伊勢太
神宮。

九月十一日癸卯大後於建禮門前昨日辨官有人
死穢今日不得發奉幣伊勢太神宮使故修此禊也。

十一月壬辰朔三日甲午遣散位從四位下恒基王
向伊勢太神宮奉幣去九月十一日有穢停廢故延

而奉之。

三年閏十月十九日乙巳伊勢高宮物忌准諸宮物
忌永充月粮以神封物給之。

四年三月廿七日庚辰伊勢太神宮始置歌長一人

預勘籍例

八月十六日丁酉遣武藏權守從五位上弘道王向
伊勢太神宮奉幣。

九月十一日壬戌禁中犬死仍不發奉伊勢太神宮
幣使大後於建禮門前。

五年九月十一日丙辰遣散位從五位上興我王神
祇大副從五位上大中臣朝臣有本等奉幣於伊勢
太神宮發自神祇官諒闇也。

六年九月十三日壬午遣武藏權守從五位上弘道
王向伊勢太神宮奉幣去十一日可發此使內裏犬

產故從停廢於是神祇大副從五位上大中臣朝臣
有本言元慶元年內裏大產十一日停奉幣使十三
日發遣大外記正六位上巨勢朝臣文宗言大產之
穢當忌三日元慶元年九月九日大產十一日忌限
既滿十二日前散齋十三日致齋十四日後散齋然
則今月十日大產忌限滿日在前散齋朝議外記所
執有理然而所司行事幣物既備仍從有本之定
十月廿七日丙寅勅山城國司令程承奉伊勢太神
宮幣帛使先是神祇官言檢格條奉伊勢太神宮九
月十一日神嘗二月四日祈年六月十二月月次等

祭及臨時幣帛使出宮城之日左右京職主典以上
率坊令兵士相迎外門送出京城近江伊賀伊勢等
國每至坂首目以上一人率郡司健兒等相迎程承
而出自京城至近江國坂無人程承不掃汗穢望請
令山城國司相迎程承從之
七年七月十三日丁丑遣從四位上行神祇伯棟貞
王奉幣於伊勢太神宮云々事具
九月十一日甲戌奉幣於伊勢太神宮例也
十一月五日戊辰勅伊勢太神宮及豐受宮酒立女
各二人准三節祭儻女例給祿

光孝天皇元慶八年二月十八日己酉大赦於建禮門前以明日欲奉伊勢太神宮幣

三月二日癸亥先是遣使修造伊勢太神宮是日下

知伊賀伊勢尾張參河遠江等國司曰迺者有太上

天皇遜位之事齋內親王出於野宮暫停雇送神宮

之工夫

四月七日丁酉大赦於建禮門前以十日擬奉幣帛

於伊勢太神宮也

九月十一日戊辰天皇御朝堂院小安殿遣從四位

上行神祇伯棟真王大副從五位上大中臣朝臣有

本等奉伊勢太神宮幣

仁和元年九月十一日壬辰不發奉伊勢太神宮幣

使以典藥大属蜂田岑範死穢未滿卅日也

十六日丁酉於建禮門前大赦

十一月廿日庚子天皇御大極殿後殿遣使者於伊

勢太神宮奉幣

廿一日辛丑勅遣散位從六位上大中臣朝臣平雄

判官一人主典一人造伊勢太神宮據式廿年一度

改作去貞觀十年修造其後十八年于茲矣

二年九月四日己卯申時於建禮門前修大赦以明

日奉伊勢太神宮神寶使可進發也。後於大社八日
 五日庚辰奉太神宮神寶使左太史正六位上善世
 宿禰有友史生二人官掌一人進發凡伊勢太神宮
 神寶廿年一度改作前修之後十九年于茲雖未滿
 限改造既畢仍奉之是日諸司發勢而神祇官不進
 解文責過狀。是日丙戌奉伊勢太神宮例幣之使是日可發去
 七日有犬死穢因而停止忽不廢勢。十日
 十二日丁亥為發遣奉伊勢太神宮幣使天皇欲御
 大極殿乘輿未出有人奏聞畫所犬死於是太政大

臣及諸公卿議曰畫所者在宮門左右衛門陣之內
 若當行神事諸司有穢立札於衛門陣告知事由不
 聽出入為潔禁中也依此論之可謂禁中穢也仍不
 臨御即便遣中納言從三位藤原朝臣山陰於建春
 門前左衛門陣外召散位從五位下幸世王授告文
 令發行其告文取太政大臣里第紙召在外之內記
 令書之在局紙并內記居禁中染穢故也
 三年四月丙日己酉天皇御大極殿遣參議正四位
 下行近江守源朝臣是忠於伊勢太神宮奉幣云々

類聚國史卷第三

本行... 神祇部四

類聚國史卷第四

神祇部四

伊勢齋宮 離宮附出

伊勢神郡

伊勢齋宮 離宮附出

崇神天皇六年先是天照太神倭大國魂二神並祭於天皇大殿之內然畏其神勢共住不安故以天照太神託豐鍬入姬命祭於倭笠縫邑仍立磯堅城神籬

籬神此云此云此云

類聚國史卷第四

垂仁天皇廿五年三月丁亥朔丙申離天照太神於
 豐耜姬命託于倭姬命云々故隨太神教其祠立於
 伊勢國因興齋宮于五十鈴川上是謂磯宮云々
天皇以倭姬命為御杖貢奉於天照太神是以倭姬
 命以天照太神鎮坐於磯城巖櫃之本而祠之然後
 隨神誨取丁巳年冬十月甲子遷于
 伊勢國渡遇宮事具伊勢太神部
 景行天皇廿年春二月辛巳朔甲申遣五百野皇女
 令祭天照太神
 雄略天皇元年春三月壬子是月立三妃元妃葛城
 圓大臣女曰韓媛生白髮武廣國押稚日本根子天
 皇與稚足姬皇女是皇女侍伊勢太神

繼體天皇元年三月庚申朔癸酉納八妃次妃息長
 真手王女曰麻績娘子生萱角皇女是侍伊勢太神
 祠
 欽明天皇二年三月納五妃次妃籾我大臣稻目宿
 祢女曰堅鹽媛生七男六女云々其二曰盤隈皇女
 初侍祀於伊勢太神後坐葺皇子茨城解
 敏達天皇七年春三月戊辰朔壬申以菟道皇女侍
 伊勢祠即葺池邊皇子事頭而解
 用明天皇紀云々十四年秋八月淳中倉太珠敷天
 皇崩九月甲寅朔戊午天皇即天皇位云々壬申詔

曰云々以酢香手姬皇女拜伊勢神宮奉日神祀皇是
女自此天皇時逮于炊屋姬天皇紀或本云卅七年間奉
退而薨
日神祀自

元年春正月壬子朔葛城直磐村女廣子生一男一
女男曰麻呂子皇子此當麻公之先也女曰酢香手
姬皇女歷三代以奉日神
天武天皇二年夏四月丙辰朔己巳欲遣侍大來皇
女于天照太神宮而令居泊瀨齋宮是先潔身稍近
神之所也

三年冬十月丁丑朔乙酉大來皇女自泊瀨齋宮向

伊勢神宮

持統天皇朱鳥元年十一月丁酉朔壬子奉伊勢神
祠皇女大來還至京師

文武天皇二年九月丁卯遣當耆皇女侍于伊勢齋
宮

五年二月己未遣泉內親王侍于伊勢齋宮

慶雲三年閏正月癸酉泉內親王參于伊勢太神宮

八月庚子遣三品田形內親王侍于伊勢太神宮

十二月丙子遣四品多紀內親王參于伊勢太神宮

元正天皇靈龜三年四月乙亥遣久勢女王侍于伊

勢太神宮從官賜祿各有差是日發入百官送至京城外而還

養老五年九月乙卯天皇御內安殿遣使供幣帛於伊勢太神宮并以皇太子女井上王為齋內親王聖武皇帝神龜四年九月壬申遣井上內親王侍于伊勢太神宮焉

天平二年七月癸亥詔曰供給齋宮年料自今以後皆用官物不得依舊充用神戶庸調等物十八年九月壬子先是縣女王為齋王至是發入大臣已下送出門外諸司亦送至京外而還

天平感宝元年閏五月甲辰伊勢齋王為遭二親喪自齋宮退出

廢帝天平宝字二年八月戊午遣攝津大夫從三位池田王告齋王事于伊勢太神宮

五年八月辛巳晦大祓以齋內親王將向伊勢也廣仁天皇宝龜二年十一月庚子遣鍛冶正從五位下氣太王造齋宮於伊勢國

三年十一月己丑以酒人內親王為伊勢齋權居春宮齋宮

五年八月庚午遣使拔淨天下諸國以齋內親王將

向伊勢也。

九月己亥齋內親王向于伊勢。

桓武天皇延曆四年八月丙戌天皇行幸平城宮先

是朝原內親王齋居平城至是齋期既竟將向伊勢

神宮故車駕親臨發入

九月己亥齋內親王向伊勢太神宮百官陪從至大

和國塲而還。

十五年二月乙亥齋內親王欲歸京造頓宮於大和

國。

丁丑遣使奉幣於伊勢太神宮以齋內親王退也。

三月丙申遣從五位上守左少辨兼左兵衛佐橘朝
臣入居等迎齋內親王。

十六年四月癸酉以布勢內親王為伊勢太神宮齋

八月甲戌齋內親王移于葛野川即移入野宮。

十八年七月己酉停伊勢齋宮新嘗會但以歌儻伎

供九月祭。

庚午遣菟使畿內七道諸國以齋內親王將入伊勢

也。

八月丙申奉幣帛於伊勢太神宮以齋內親王將入

齋宮也。

九月甲辰齋內親王發野宮赴伊勢遣侍從從四位
下中臣王參議正四位下藤原朝臣乙叡等送焉
是月禁京畿百姓奉北辰灯以齋內親王入伊勢齋
宮也
平城天皇延曆廿五年三月癸巳令大和伊賀兩國
造行宮為齋內親王飯京也
四月戊申遣右兵庫頭從五位下佐伯王左衛士佐
從五位下百濟王教俊等迎齋內親王於伊勢國
己酉遣使奉幣於伊勢太神宮以齋內親王歸京也
大同元年十一月壬寅以大原內親王為伊勢齋內

親王

己酉遣近衛權中將從四位下藤原朝臣真夏等於
伊勢太神宮告以易齋內親王事也
二年八月己卯齋內親王禊於葛野川即移入野宮
三年八月乙亥齋內親王禊於葛野川即移入野宮
九月癸未齋內親王向伊勢
嵯峨天皇大同四年六月甲申令攝津國造頓宮以
伊勢齋內親王飯京也
八月甲申定仁子內親王為伊勢齋
五年四月戊子遣使於伊勢太神宮告定齋內親王

之狀也。

弘仁二年八月辛卯齋內親王禊於葛野川諸司陪從如常。

九月壬辰朔禁今月祭北辰舉哀改葬等事以齋內親王入伊勢也。

乙未齋內親王入伊勢諸司陪從如常。

淳和天皇弘仁十四年六月丙戌天皇御大極殿獻幣帛于伊勢太神宮為停定齋內親王也。

天長元年八月庚寅任伊勢齋內親王入野宮次第司。

九月乙卯詔曰天皇詔旨尔坐掛畏支太神乃大前

尔申給開止申久多氣乃齋宮太神宮離遠天每事尔無便因茲度會乃離宮乎上定天常齋宮止須倍伎

狀申出事乎恐美恐美申給止久申

四年二月丁巳制曰天皇恐々毛奏賜開白久伊勢乃齋內親王本病屢發且奉齋之事尔不堪止所奏

尔流依且京都尔還参上倍事乎中納言從三位清原真人夏野大舍人頭從四位上藤原朝臣淨本等乎

使差且恐々毛奏賜止久白庚申遣参議式部大輔從四位上南洲朝臣弘貞右

京大夫從四位下藤原朝臣文山申伊勢齋內親王
 飯京之狀石作山陵
 夏四月癸巳御大極殿奉幣帛伊勢太神宮勅使參
 議左大辨正四位下直世王中臣散位從五位下太
 中臣朝臣笠作制曰天皇我大命尔坐度會乃五十
 鈴之川上尔坐皇太神乃大前尔申給久今侍留齋
 內親王波本病屢發且奉齋尔不堪尔依且令退出
 状乎參議正四位下直世王中臣散位從五位下大
 中臣朝臣笠作乎差使且禮代之大幣帛乎忌部弱
 肩尔太手次取掛持齋理波捧令持且進給布御詔乎

申給止久申辭別且申給久齋內親王波令止食定且
 卜尔合武內親王乎追可進状乎申給止久申
 五年二月己亥且子女王奉定齋王
 壬子御小安殿使散位從五位下三繼王奉幣太神
 宮其詞曰天皇我大命尔坐五十鈴乃河上尔称辭
 定奉太神乃大前尔申給久氏子親王乎太神御杖
 代且止之奉入留親王尔在而今身安尔依天退出留
 替尔中務卿四品仲野親王乃女且子女王乎王散
 位從五位下三繼王中臣神祇大祐正六位上大中
 臣朝臣天品忌部少史正八位上齋部友主等差使

壬申給_{止久}申。

七年八月戊辰齋女王為參入伊勢太神宮禊賀茂川賜供奉諸司祿有差。

辛未大祓於建禮門南庭為齋女王參入伊勢太神宮也。

九月乙亥於建禮門前大祓依掖庭犬死也。

丁丑天皇御大極殿奉獻幣帛伊勢太神宮依齋女王參入也。

仁明天皇天長十年三月癸丑以久子內親王為伊勢齋宮。

四月甲子遣內匠頭正五位下楠野王於伊勢太神

宮告齋宮且子女王之替定久子內親王之狀。

兼和元年八月乙巳久子內親王為可侍伊勢齋宮。

先禊祓賀茂川始入野宮。

二年八月乙亥且禁京畿之內來月供北辰燈以齋

內親王可入伊勢也。

辛丑齋內親王祓于賀茂川為可入伊勢齋宮也。

九月乙未天皇御大極殿發遣齋內親王於伊勢太神宮。

六年十一月癸未灾于伊勢齋宮燒宮舍一百餘宇。

遣左衛門佐從五位下田口朝臣房富賈絹百疋綿三百屯調布五十端存問齋內親王

十二月己酉朔庚戌遣參議從四位上行春宮大夫兼右衛門督文室朝臣秋津奉珍幣於伊勢太神以齋宮燒損也又去天長元年九月依多氣齋宮遠離太神宮每事無便卜定度會離宮以為齋宮焉今依火災卜定多氣宮地可為常齋宮之狀同令此使祈申於太神宮

八年七月癸未令造伊勢齋內親王離宮以伊勢尾張兩國正稅稻充料

文德天皇嘉祥三年五月己卯遣侍從從五位下嶋江王左少辨從五位下文室朝臣助雄中務少丞正六位上百濟王忠岑內舍人正六位上八多朝臣湊從八位上清滝朝臣岑成等向伊勢太神宮迎齋內親王大掖於建禮門前

七月甲申皇女晏子內親王為伊勢齋大掖於建禮門前以命齋內親王

八月癸丑遣散位正五位下楠野王神祇少副正六位上中臣禪守等向伊勢太神宮告以晏子內親王為齋

九月庚子是日伊勢齋内親王禊於鴨河。勅遣從四位下右中辨藤原朝臣氏宗從修禊事。仁壽元年八月乙丑伊勢齋内親王禊於鴨川。即日入於野宮。

二年閏八月丁亥大掖於建禮門前伊勢齋内親王將參太神宮。故有此掖。

戊子伊勢齋内親王禊於鴨川。

癸巳大掖於朱雀門前伊勢齋内親王將參太神宮。故重有此掖。

九月庚子伊勢齋内親王參太神宮。帝御太極殿以

遣之。自餘如常儀。中納言正三位安倍朝臣安仁右中辨從五位上橘朝臣海雄等為長送使。

清和天皇天安二年九月廿日戊寅遣正六位上大中臣朝臣良人於伊勢太神宮告以齋内親王退出也。

十月八日乙未遣散位從五位下内宗王從五位下守左少辨丹墀真人負岑等迎伊勢齋内親王。大掖於建禮門前而發使焉。

貞觀元年十月五日丁亥卜定恬子内親王為伊勢齋儀子内親王為賀茂齋。

類聚國史卷四

十

十一日甲午大祓於朱雀門前以定伊勢賀茂齋內親王也。

廿八日庚戌遣散位從五位上並山王於伊勢太神宮告以定齋內親王也。

十二月廿五日丙午伊勢齋恬子內親王於鴨水邊六條坊門末修禊賀茂齋儀子內親王於同水邊待賢門末修禊並入初齋院。

二年八月十五日壬辰任伊勢齋內親王行禊前後次第司以掃部頭從五位上藤原朝臣貞敏為前次第司長官式部大丞正六位上紀朝臣良舟為判官。

大錄正六位下善道朝臣繼根為主典從五位上行兵部少輔源朝臣直為後次第司長官大丞正六位上藤原朝臣保則為判官大錄從六位下榎原忌寸全吉為主典。

廿四日辛丑大祓於建禮門前為明白伊勢齋內親王將行禊也。

廿五日壬寅伊勢齋恬子內親王臨鴨水大修禊事即日入野宮。

三年六月九日壬子任伊勢齋內親王裝束使大祓於建禮門前。

廿一日甲子下知近江伊賀伊勢等國司役夫一百人馬二百九十五疋來九月四日伊勢齋內親王將入太神宮仍預令點儲

八月十八日己未大祓於建禮門前以伊勢齋內親王可入太神宮故也

廿四日乙丑伊勢齋內親王臨葛野河修禊勅遣中納言從三位兼行左衛門督藤原朝臣氏宗監禊事廿九日庚午大祓於朱雀門前以齋內親王九月一日將入太神宮故也

九月壬申朔勅遣右大臣正二位兼行左近衛大將

藤原朝臣良相尚侍從三位源朝臣全姬向八省院發遣伊勢齋內親王

八年五月廿六日己巳勅伊勢齋內親王來六月祭停參神宮先是太神宮司言頃年國內疫病繁發神郡百姓病死者衆經觸邪穢無人駟役望請准據舊例停齋內親王奉祭神宮之儀但祭祀之禮宮司供奉

陽成天皇貞觀十九年二月十七日己未卜定伊勢齋內親王識子內親王止食廿三日乙丑遣使伊勢太神宮告以天皇即位并卜

類聚國史卷四

十二

定齋內親王告文曰。天皇我詔旨止。掛畏岐伊勢度會乃宇治乃五十鈴乃河上乃下津石根尔大宮柱廣知天。高天原尔千木高知天。天皇御命乃称辞竟奉流。天照之坐皇太神乃廣前尔申賜倍申久云々。又今侍恬子內親王波。太上天皇乃太神乃御杖代止之奉入賜倍流。今舊例乃隨尔相替天可令奉仕。岐物奈利為奈識子內親王乎。卜定天進タテマツ流云々。
事具即
位部
三月壬寅朔遣刑部太輔從五位上弘道王右中辨從五位上藤原朝臣保則迎前伊勢齋內親王。

元慶二年八月廿日癸未。任伊勢齋內親王行禊前後次第司式部少輔兼文章博士從五位下菅原朝臣道一為前次第司長官判官丰典各一人。兵部少輔從五位下兼行伊勢權介平朝臣季長為後次第司長官判官丰典各一人。
廿六日己丑伊勢齋內親王欲以明日入野宮仍於建禮門前修大祓。
廿八日辛卯伊勢齋內親王出自雅樂寮假宮禊於鴨河即入野宮。
三年八月十九日丙子任伊勢齋內親王行禊前後

次第司以從五位上行式部少輔兼文章博士管原朝臣道一為前次第司長官判官一人主典一人從五位上行兵部少輔藤原朝臣時長為後次第司長官判官一人主典一人以正三位行中納言兼右近衛大將皇太后宮大夫藤原朝臣良世參議從三位行左衛門督兼美濃守源朝臣良有宮内卿正四位下源朝臣覺中宮大夫從四位下藤原朝臣國經等為送伊勢齋内親王使參議從三位行治部卿兼備中守在原朝臣行平正五位下守權左中辨兼行木工頭藤原朝臣春景右大史正六位上興道宿祢春

宗中務大丞正六位上藤原朝臣高處為長送伊勢齋内親王使

九月八日乙未大稜於朱雀門前以明日伊勢齋内親王可進發也

九日丙申伊勢齋内親王入齋宮是日早朝臨葛野河以修禊事即便參入豐樂院天皇御豐樂殿令發内親王天皇喚中臣神祇大副大中臣朝臣有本稱唯昇殿跪侍右大臣代天皇勅曰常毛奉進留九月神嘗幣帛曾汝中臣如常久申天奉進禮宣有本稱唯又勅今奉進留齋内親王波此依恒例天三箇年

間波齋清天。天照太神乃御杖代尔定天奉進留内親王曾中臣宜尔吉久申天奉進礼宜有本称唯降殿退出是時天子幼少右大臣攝政故行此事齋内親王駕輿出自朱雀門掖門東向就路乘輿還宮。廿日丁未送伊勢齋内親王使參議在原朝臣行平復命。

四年十二月七日丙戌下知大和伊賀伊勢等國造行宮以伊勢齋内親王可出宮歸京也。

五年正月十五日甲子太政官下符山城攝津等國倭前伊勢齋内親王來二月廿二日首途自大和道。

經山城河陽宮到攝津難波海解除而後可入都凡其供具依例准擬。

十九日戊辰下符山城大和伊賀伊勢等國倭前伊勢齋内親王入京陪從二百十九人宜行宮飲食乘馬擔夫辨設供給又下知河内攝津兩國倭齋内親王擬出神宮從河陽宮取水路赴難波宮依例三處祓除每處經一日即便取三嶋道還向河陽宮其陪從一百人檢校并奉迎等使六十二人酒食夫馬等之類莫々祓供時属諒闇莫用魚鳥。廿三日壬申給二百四疋調布三百六疋端賜齋宮寮。

充命婦女孀等入京裝束料

元慶五年正月廿八日丁丑遣散位從四位下恒基
王左少辨正五位下兼行大學頭巨勢朝臣文雄等
齋輦輿腰輿資具等向伊勢太神宮迎前齋內親王
令山城大和伊賀三國充夫八十人擔夫輦輿等物
遮送前所

六年四月七日己卯卜定伊勢齋內親王無品揭子
內親王卜食云々

五月十五日丙辰遣使奉幣伊勢太神宮及賀茂神
社告以定齋內親王并齋王也散位從五位下時影

王為伊勢太神宮使

七年八月廿二日乙卯大掖於建禮門前以廿四日
伊勢齋內親王可入野宮也

廿四日丁巳伊勢齋揭子內親王臨鴨河修禊便入
野宮中納言從三位兼行左衛門督源朝臣能有參
議正四位下行皇太后宮太夫藤原朝臣國經陪送
所司供奉如式

十一月五日戊辰是日減定造伊勢齋內親王野宮
工夫數元工三千十五人夫一万五百卅五人今定
工一千四百六十五人半夫五千二百七十二人半

先是木工權太允正六位上内藏朝臣有永等解偶
謹檢先例徵發五畿内并近江美濃丹波但馬播磨
等國所役人別十日而右辨官宣濟事之道公平為
先支度之程何拘恒例今美濃但馬播磨等國往還
稍遠人民多煩宜暫停件三箇國隨狀增加者今所
作屋舍之數頗倍於先結構之功合期而成減定單
功既過半分望請顯功當時遺例後代者勅依請立
為恒例

光孝天皇元慶八年二月十三日甲辰先是伊勢齋
揭子内親王在野宮是日還本家

三月二日癸亥先是遣使修造伊勢太神宮是日下
知伊賀伊勢尾張參河遠江等國司曰迺者有太上
天皇遜位之事齋内親王出於野宮暫停雇送神宮
之工夫

廿二日癸未喚神祇官於左伏頭卜定齋王其伊勢
齋者皇女繁子卜食云々太上天皇在祚卜定入初
齋院今依舊不變

四月九日己亥以皇女伊勢齋繁子賀茂齋穆子並
為内親王

十日庚子遣從四位上行神祇伯棟貞王從五位下

行少副大中臣朝臣常道等奉幣於伊勢太神宮告以定齋內親王也。天皇御朝堂院小安殿發使。廿一日辛亥繁子穆子兩內親王各賜絹五十匹綿二百屯細布廿端調布百端商布三百段貞觀錢廿貫文韓櫃廿合。

八月十三日辛丑伊勢齋內親王臨鴨水修禊事即便入初齋院於雅樂寮公卿陪從所司供奉如常儀。十九日丁未伊勢齋內親王將修禊事而典藥大屬蜂田岑範去十一日夜於寮中頓死邪穢延深供奉所司仍停止。

仁和元年九月十八日己亥伊勢齋內親王臨鴨水修禊事即便入野宮。大納言正三位兼行右近衛大將太皇太后宮大夫藤原朝臣良世率參議已下奉從行事。

二年六月廿一日己巳伊勢齋內親王應取近江國新道入於太神宮仍下伊勢國知又停伊賀國舊路頓宮下伊賀國知。

廿三日辛未任伊勢齋內親王裝束司正五位下行神祇大副大中臣朝臣有本左近衛少將正五位下兼守左中辨行備前權介藤原朝臣有穗六位已下

六人。

八月十四日庚申任伊勢齋內親王行禊次第司以從五位上守左少辨兼行式部少輔藤原朝臣佐世為御前長官式部大丞正六位上藤原朝臣興範為判官大錄正六位上香山宿祢弘行為主典兵部少輔從五位下橘朝臣茂行為御後長官大丞正六位上藤原朝臣安柯為判官少錄正六位上山田宿祢方興為主典於式部省除以中納言從三位兼行左衛門督源朝臣能有參議正四位下行右衛門督藤原朝臣諸葛參議正四位下行皇太后宮大夫兼播

磨守藤原朝臣國經參議正四位下行左近衛中將兼近江權守藤原朝臣有實從四位上行左京大夫在原朝臣守平從四位上行右馬頭藤原朝臣門宗從四位上行左馬頭藤原朝臣利基左近衛少將正五位下兼守左中辨備前權介藤原朝臣有穗等八人為行禊陪從以正三位行中納言兼民部卿陸奧出羽按察使在原朝臣行平參議左大辨從四位上兼行勘解由長官文章博士橘朝臣廣相治部卿正四位下源朝臣本有散位從四位上源朝臣長猷等四人為送齋內親王使以中納言從三位藤原朝臣

山陰左近衛少將正五位下兼守左中辨行備前權
介藤原朝臣有穗右大史正六位上惟宗朝臣安兄
中務少丞從六位上藤原朝臣高用等四人為長奉
送使。

廿日丙寅勅以從四位上行兵部大輔四友王從四
位上行彈正大弼雅望王散位從四位上源朝臣載
有散位從四位下源朝臣有等四人為齋內親王入
伊勢太神宮前駢。
廿九日乙亥晦大祓於朱雀門前以齋內親王來月
應入伊勢太神宮也。

九月丙子朔三日戊寅停御潔齋燒灯之事。

四日己卯辰時雷雨伊勢齋內親王明日可修禊事。
大藏省預於葛野河邊裝束建幄不風不雨忽然破
割就而見之為雷所震裂。

五日庚辰停齋內親王行禊之事以去二日中務省
犬死穢未滿忌限也。

七日壬午齋內親王今日修禊葛野河九日擬入太
神宮內親王忽有月事亦太政大臣堀河邊第犬死
觸穢之人參入內裡由是停不行。

十七日壬辰內裡犬死齋內親王今月十九日欲修

解除依穢而停公卿於左衛門陣召神祇官陰陽寮
占定吉日更廿四日為期

廿三日戊戌詔齋內親王行禊改廿四日定廿五日
廿五日庚子天皇御大極殿發遣伊勢齋內親王
卅日乙巳奉送伊勢齋內親王使中納言藤原朝臣
山陰廿八日奏狀今日申時到來偶今日巳時王輿
出自近江國垂水頓宮酉時到伊勢國鈴鹿頓宮戌
時西垣之外一借屋火內親王乘更衣滋野朝臣直
子車出於頓宮即遣守藤原朝臣繼蔭者督近衛業
救止不能撲滅西風羌扇火勢甚熾遂及寢殿匣殿

等延燒四屋以垣外借屋為寢殿安置內親王召問
寮司申云火發自舍人長磯部豐瀧宿舍也賜山陰
手勅曰須過七日入齋宮若有物煩不可過七日
者解謝早可入

十月廿七日壬申勅以伊豫國正稅千斛讚岐國千
斛充齋宮寮兼前之例齋內親王入太神宮之後以
伊勢國正稅穀三千斛資新居之費今廻換以充之

伊勢神郡

桓武天皇延曆廿年十月戊申伊勢國言多氣渡會
二郡司等託言神事常多闕怠伏望於郡堺外將行

決罰許之

嵯峨天皇弘仁三年五月辛酉勅伊勢國多氣度會
及飯高飯野等七郡神戶百姓等緣徵正稅必加刑
罰已亂齋事或致逃散是以昔年停出舉自茲以後
借求富民至于報償加利數倍舉者有罪償者受弊
宜始自明年神稅之外舉正稅十三万三千束以其
息利宛齋宮用

八年十二月庚辰伊勢國多氣度會二郡雜務悉預
太神宮司交替付領一同國司以國司不獲行決罰
也

仁明天皇養和十二年六月癸未勅令齋宮寮頭并
助檢校太神宮并多氣度會兩神郡雜務自今以後
立為恒例

類聚國史卷第四

